



### CONVENIO CONCELLO DE OURENSE CO COMITÉ CIADÁN ANTI-SIDA DE OURENSE PARA O DESENVOLVEMENTO DUN PROGRAMA DE REDUCCIÓN DE RISCOS EN USUARIOS DE DROGAS POR VÍA PARENTERAL. ANO 2017

Ourense, 26 de decembro de 2017

#### REUNIDOS:

Dunha parte don Jesús Vázquez Abad, Alcalde Presidente do Excmo. Concello de Ourense, designado na sesión do Pleno da corporación do día 13 de xuño de 2015 que actúa no nome e na representación da citada institución segundo as competencias que lle outorga o artigo 124 da Lei 7/85 do 2 de abril reguladora das bases de réxime local modificada pola Lei 57/03, de 16 de decembro e con domicilio social en Praza Maior, 1, 32005 Ourense e CIF P-3205500F

Doutra parte don Agustín González Ferro, coordinador xeral de programas e servizos do Comité Cidadán Anti-Sida de Ourense (en adiante Comité Antisida), apoderado para a sinatura do convenio por acordo da xunta directiva de data 20 de setembro de 2017 en representación de dito Comité Antisida que posúe C.I.F. G-32.169.609 e domicilio social en C/ Peña Trevinca, 22 – 2º soto de Ourense

Ambas as partes recoñécense plena capacidade para levar adiante o presente convenio e

#### MANIFESTAN:

- Primeiro:** Que o Concello de Ourense considera un dos seus obxectivos prioritarios a loita contra as drogodependencias, tanto dende un plano preventivo, asistencial como reinsertivo.
- Segundo:** Que o Concello de Ourense, contempla dentro da actuación fronte as drogodependencias o fomento das actuacións que levan a cabo diferentes asociacións cidadáns que manifestan como obxectivo prioritario a loita contra as drogodependencias, como é o Comité Cidadán Anti-Sida de Ourense.
- Terceiro:** Que coa finalidade de desenvolver actuacións encamiñadas a prevención da infección de VIH/SIDA, crease o Comité Cidadán Anti-Sida que dispón de locais nos cales realiza diferentes actuacións na área da loita contra as drogodependencias.



**Cuarto:** Que as dúas partes consideran esencial o establecemento de accións fronte á loita contra as drogodependencias na cidade de Ourense.

**Quinto:** Que a Asociación *Comité Cidadán Anti-Sida de Ourense* cumpre cos requisitos para ser beneficiaria da concesión de subvencións conforme co establecido na Lei 38/2003, de 17 de novembro, Xeral de subvencións, na Lei 9/2007, do 13 de xuño de subvencións de Galicia e na Ordenanza Xeral de Subvencións do Concello de Ourense.

## ACORDAN

Subscribir o presente Convenio para o apoio económico do desenvolvemento por parte do Comité Cidadán Anti-SIDA de Ourense dun programa de redución de riscos en usuarios de drogas por vía parenteral 2017, de acordo coas seguintes,

## CLAUSULAS

**Primeira:** É obxecto de este convenio o apoio económico ó desenvolvemento por parte do Comité Cidadán Anti-SIDA de Ourense dun Programa de redución de riscos en usuarios de drogas por vía parenteral 2017

**Segunda:** O Comité Cidadán Anti-SIDA de Ourense comprométese a destinar os fondos obtidos mediante o presente convenio para sufragar os custos ocasionados polo Programa de redución de riscos en usuarios de drogas por vía parenteral 2017, cuxo obxectivo prioritario é reducir os problemas de índole socio-sanitario e minimizar os riscos que trae consigo a adición as drogas para o drogodependente, especialmente para os que utilizan a vía parenteral como vía de consumo de drogas, a través de dous proxectos: proxecto de intercambio de xiringas de drogas por vía parenteral e o proxecto de educación en uso máis seguro e prevención de sobredose en usuarios de drogas por vía parenteral

**Terceira:** A Comité Cidadán Anti-SIDA, para o desenvolvemento deste convenio, asume os seguintes compromisos:

- Incluír o anagrama do concello de Ourense en todo o material impreso que utilice en referencia ó programa obxecto deste Convenio.
- Comunicar ao Concello tódalas fontes de financiamento de que dispoña para o desenvolvemento da súa labor.
- Comunicar o cambio ou modificación da composición dos membros da xunta directiva, caso de producirse
- Cumprir coa lexislación vixente que lle resulte de aplicación en materia de persoal, seguridade, etc. asumindo directamente as responsabilidades que se poidan derivar polo exercizo das súas actividades.



**Cuarta:** O Concello de Ourense, comprométese a apoiar economicamente o Comité Antisida para desenvolvemento das actuacións sinaladas no presente convenio coa cantidade máxima de 25.000 euros (VINTECINCO MIL EUROS), con cargo á partida presupostaria 150.3120.48926.

A porcentaxe máxima subvencionable non superará o setenta e cinco (75%) do custo do programa, cuxo orzamento estimativo é de 33.334 (TRINTA E TRES MIL TRESCENTOS TRINTA E CATRO EUROS)

De non xustificaren o importe total previsto no convenio, e sempre e cando se tivese acadado o obxecto nel establecido, o concello de Ourense minorará a súa achega proporcionalmente ó importe xustificado.

As achegas previstas polo concello de Ourense serán destinadas a sufragar os gastos obxecto do convenio. En ningún caso son subvencionables os intereses debedores de contas bancarias, os intereses, recargas e sancións administrativas ou penais, os gastos de procedementos xudiciais, os impostos indirectos cando sexan susceptibles de recuperación ou compensación.

De acordo co principio de anualidade arxamentaria a achega concedida deberá destinarse a gastos devengados no ano 2017.

**Quinta:** O libramento dos fondos realizarase unha vez presentada e aprobada a xustificación da aplicación outorgada á subvención concedida, comprensiva da seguinte documentación conformada pola secretaría e/ou outros órganos competentes da asociación:

- Instancia subscrita polo/a Presidente/a da Asociación dirixida ó Alcalde-presidente do concello de Ourense solicitando o pagamento da subvención concedida.
  - Memoria anual detallada comprensiva das actividades realizadas dentro do obxecto do presente convenio, así como especificación de gastos e resultado final das fontes de financiamento do proxecto.
  - Balance anual, memoria contable e conta de resultados oficiais do exercicio aprobadas pola Asemblea Xeral e co certificación acreditativa desta aprobación.
  - Relación numerada de documentos da totalidade dos gastos realizados con motivo da implementación do proxecto, con identificación do proveedor, concepto, facturado, o seu importe, data de emisión e data de pago.
  - Certificación de estar o corrente das obrigas tributarias e de seguridade social.
  - Comunicación de outras subvencións concedidas para o obxecto do convenio.
- A subvención será reducida proporcionalmente á contía non xustificada así como se houberse concorrencia doutras achegas que supuxeran un financiamento maior co custe da actividade subvencionada.

Con carácter previo á xustificación da aplicación da axuda económica outorgada poderán efectuarse entregas a conta en concepto de pagamento anticipado, ata un máximo do 70% do importe subvencionado, previa petición do interesado e atendendo as dispoñibilidades líquidas do Concello.

Establecese como data límite para a presentación da xustificación do importe total subvencionado o 30 de abril de 2018



**Sexta:** Designarase un representante da Unidade de Condutas Adictivas do concello de Ourense e un representante do Comité Cidadán Anti-Sida para o seguimento do desenvolvemento do presente convenio.

**Sétima:** A subscripción do presente convenio non implica relación laboral, contractual ou de calquera tipo entre o persoal do Comité Cidadán Anti-Sida e o Concello de Ourense, de tal forma que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento das súas actividades

**Oitava:** Establécese un prazo de vixencia do presente convenio de ata o 31 de decembro do ano 2017.

**Novena:** Son causas de resolución, as previstas na normativa que lle resulta de aplicación, e darán lugar, no seu caso, ó reintegro das cantidades percibidas cos seus correspondentes intereses, as seguintes:

- a) O incumprimento total ou parcial dalgunha das súas cláusulas.
- b) A aplicación dos fondos outorgados para outro fin distinto dos contemplados e que motivaron a súa concesión.
- c) O transcurso do tempo estipulado sen que se desenvolva o mesmo.
- d) O impedimento ou dificultade para o Concello en caso de inspección.
- e) A disolución da Asociación ou calquera outra causa que impida unha correcta aplicación deste convenio.
- f) A falta de xustificación do emprego das cantidades recibidas.

**Décima:** O presente convenio ten carácter administrativo e exclúese do ámbito de aplicación da normativa en materia contractual. Os seus efectos rexeranse polo establecido nas cláusulas do mesmo e, no non previsto, aplicaráselle o establecido na Lei 38/2003, de 17 de novembro, Xeral de subvencións, a Lei 9/2007, do 13 de xuño de subvencións de Galicia e a Ordenanza Xeral de Subvencións do Concello de Ourense. As discrepancias xurdidas acerca da interpretación do presente convenio serán resoltas polo Concello de Ourense poñendo os seus acordos fin á vía administrativa.

E, en proba de conformidade de canto antecede, as partes comparecentes asinan e rubrican, en triplicado exemplar, no lugar e data indicado no encabezamento.

Alcalde-Presidente

Jesús Vázquez Abad

Comité Cidadán Anti-Sida

Agustín González Ferro